



UNIVERSITETI "KADRI ZEK" UNIVERSITY
Zija Shemsiu, 60000, Gjilan, Kosovë
www.uni-gjilan.net tel: 0280390112

Ref. nr. 02/1486 Dt. 10 / 12 / 2015

Në bazë të nenin 23, paragrafi 1.6, alinea 1.6.2 të Statutit të Përkohshëm të Universitetit "Kadri Zeka", Këshilli Drejtues, në mbledhjen e mbajtur më 30.10.2015, miratoi:

RREGULLORE
për të ardhura personale dhe pagesa tjera të personelit akademik në Universitetin "Kadri Zeka"

I. DISPOZITAT E PËRGJITHSHME

Neni 1

Mjetet për të ardhurat personale shfrytëzohen nga fondi i Buxheti të Kosovës, nga tarifat e shkollimit dhe pagesat tjera të cilat i bëjnë studentët, nga pagesat dhe për shërbime komerciale dhe shërbime tjera dhe donacionet, dhuratat dhe ndihma tjera si dhe nga kontratat me organizma kombëtarë, ndërkombëtar publik dhe privat. Nga këto burime financiare paguhen të ardhurat personale dhe kompensimet tjera për personelin akademik dhe jo akademik në marrëdhënie të rregullt pune, si dhe puna mbi normë dhe puna me honorar për personelin akademik të Universitetit "Kadri Zeka" (në tekstin e mëtejme: Universitetit).

Lartësia e të ardhurave personale caktohen në bazë koeficienteve dhe thirrjeve të koduara në shërbimin qendror për të ardhurat sipas kodimit unik për tërë arsimin në Kosovë.

II. DISPOZITAT E VEÇANTA

Neni 2

Shërbimi për financa i Universitetit e bënë përlllogaritjen e të ardhurave personale dhe pagesave tjera në bazë të vendimit të Senatit të Universitetit për angazhimin e personelit akademik për çdo vit akademik, përkatësisht raporteve të dorëzuara deri më datën 5 të muajit vijues.

Mbi këtë bazë menaxheri, përkatësisht personi i autorizuar jep urdhër për realizimin e pagesave sipas kontratave të cilat lidhen me të punësuarit me rastin e angazhimit.

Neni 3

Me personelin akademik të Universitetit në marrëdhënie të rregullt pune, në pajtim me dispozitat ligjore lidhet kontratë pune:

Me normë të plotë, dhe

Me gjysmënormë, përkatësisht edhe kontratë për shërbime të vecanta.

Universitetit mund të lidhë kontratë pune me honorar me personelin akademik më së shumti për një vit akademik, në rastet kur konkursi i publikuar për këto vende nuk realizohet me sukses.

Askush nga personeli akademik nuk mund të themelojë dy marrëdhënie të rregullta pune me orar të plote, qoftë që financohen nga Buxheti i Kosovës apo nga ndonjë organizatë tjetër vendore apo ndërkombëtare publike.

III. PERSONELI AKADEMIK

Neni 4

Për personelin akademik të punësuar në Universitetet përcaktohet norma javore e orëve dhe lartësia e pagës sipas titujve akademik si në vijim:

1. Personeli akademik me normë të plotë të punës

a) Titulli	Orë/javë	Vlera monetare (€) Euro
Profesorët e rregullt	6 orë/javë	1429.54
Profesorët e asocuar	6 orë/javë	1283.34
Profesorët asistent	6 orë/javë	1137.14
Ligjëruesit,	6 orë/javë	990.94
Lektorët,	10 orë/javë	844.73
Korepetitorët	10 orë/javë	844.73
Asistentët	10 orë/javë	772.50

2. Paga sipas posteve udhëheqëse

a. Posti – funksioni	Paga €	Shtesa €	Totali €
Rektori	1429.54	500.00	1929.54
Prorektori	1429.54	450.00	1879.54
Dekani	1429.54	350.00	1779.54
Prodekani	(paga)	250.00	Paga + 250
Kordinatori i Fakultetit	(Paga)	350.00	350.00
Shefi i departamentit (degës)	-----	70.00	70.00

3. Norma dhe mbinorma e stafit menaxhues

Posti-funksioni	Norma	Mbinorma
Rektori	0 orë	4 orë
Prorektori	3 orë	4 orë
Dekani	6 orë	4 orë
Prodekani	6 orë	4 orë
Kordinatori	6 orë	4 orë
Shefi i Degës	6 orë	6 orë

4. Kompensimi për mësim jepet për nëntë muaj gjatë vitit shkollor.

5. Anëtarëve të Këshillit Drejtues ju takon paga + shtesa sipas vendimit të MASHT-it nr. 260/01B, dt. 29/06/2015:

- Kryesuesi i KD paga 250.00 €, shtesa 30.00 € për çdo mbledhje;

- Anëtarë i KD, paga 200.00 €, shtesa 25.00 € për çdo mbledhje.

6. Komisionet funksionale të Këshillit Drejtues do të paguhet: Kryetari 50 €, anëtarë 40 €. Komisionet funksionale nuk mund të takohen më shumë se 4 herë për një çështje të caktuar.

4. Mbinormë dhe honorar

- a) Personeli akademik i Universitetit në marrëdhënie të rregullt (Profesor i rregullt, Profesor i asocuar, Ligjërues) që janë në marrëdhënie të rregullt pune në universitet mund të mbajnë deri në 6 orë në javë.
- b) Për personelin akademik nga pika a. në mungesë të normës së plotë në studimet baçelor, norma mësimore duhet të plotësohet edhe me orët nga studimet master dhe atë 1 orë ligjërata në studime master që do të jetë e barabartë me 1 orë ligjërata në studimet baçelor, plotësimi i normës bëhet edhe me orë të cilat do t'i mbajë në njësitë tjera akademie brenda UKZ-së.
- c) Lektori, asistenti, që janë në marrëdhënie të rregullt pune në universitet mund të mbajnë deri në 10 orë në javë.
- d) Për personelin akademik, njësia akademike është e obliguar që t'i sigurojë orë mësimore deri në normën e plotë. Në rastin kur mësimdhënësit i ofrohen orë për plotësimin e normës dhe ai nuk e pranon, pagesa i bëhet proporcionalisht me numrin e orëve të cilat i mbanë. Orët mbi normë nuk mund t'i jepen personelit akademik i cili e ka normën e plotë, përderisa nuk i plotësohet norma e mësimdhënësve, përkatësisht asistentëve në marrëdhënie të rregullt pune nga lëmi i njëjtë.

4.1 Në rast kur mësimdhënësit në marrëdhënie të rregullt pune nuk i plotësohet norma për secilin semestër, ai normën e plotëson me orët e mbajtura mbi normë nga semestri tjetër.

4.2 Përjashtimisht, nëse mësimdhënësit nuk mund t'i plotësohet norma e plotë e orëve të ligjëratave, atë mund ta plotësojë edhe me orë të ushtrimeve në përpjesëtim 1 me 1 por jo më shumë se 2 orë ushtrime nga tërësia e normës.
Përjashtimisht nga pika 4.2, mësimdhënësit me një arsyetim të veçantë me shkrim nga kordinatori i fakultetit, rektori mund të merr vendim për pagesë të orëve të ushtrimeve në proporcion 2:1.

4.3 Asistentëve nuk mund t'iu kompensohen orët e ligjëratave. Në raste të veçanta me kërkesë të Këshillit të Fakultetit dhe dekanit të njësisë akademike kur konstatohet se nuk ka mundësi të angazhimit të personelit adekuat, asistenti me Mr dhe MSc që ka të regjistruar doktoraturën mund të angazhohet për mbajtjen e ligjëratave.

4.4. Pagesa për kategorinë si në pikën 4.3 do të bëhet në bazë të thirrjes akademike.

4.5 Personeli akademik që nuk ka marrëdhënie të rregullt pune në universitet por që angazhohet nga jashtë universiteti, mund të mbajë deri në 6 orë ligjërata në javë ndërsa asistenti deri në 10 orë ushtrime në javë.

4.6 Angazhimi i personelit akademik me orë mbi normë dhe me honorar në Universitet bëhet në bazë të vendimit të Senatit të Universitetit në propozim të njësisë akademike, më së voni deri me 30 shtator të vitit vijues

SANKSIONET

Neni 5

Personeli akademik i cili mungon nga procesi mësimor pa leje paraprake do të sanksionohet me heqje të pjeshme të pagës (për profesorë - 1 orë mësimi =50 €, për asistentë, 1 orë =25 €).

IV. KRITERET THEMELORE PËR FORMIMIN E GRUPEVE PËR PUNË MËSIMORE

Neni 6

1. Përcaktimi i grupeve në bazë të numrit të studentëve për ligjërata :

Ligjërata		Ushtrime	
Obligative	20-100	Obligative	20-40
Zgjedhore	15-80	Zgjedhore	15-40

V. LARTËSIA E KOMPENZIMIT PËR PUNIME TË DIPLOMËS

Neni 7

Pagesa për mbrojtje të diplomës në studimet bachelor bëhet si në vijim :

Mentorit 20 euro

Anëtarët e komisionit10 euro

VI. LARTËSIA E KOMPENSIMIT PËR UDHËHEQJE TË KANDIDATIT NË STUDIMET MASTER

Neni 8

Kompensimi për udhëheqje të kandidatit për studime master bëhet si në vijim

Mentori250 Euro

Mësimdhënësit i takon kompensimi në lartësi prej 3 € për çdo provim të paraqitur të studentit për studime master.

VII. LARTËSIA E KOMPENSIOMIT PËR KOMISIONIN PËR VLERËSIM DHE MBROJTJE TË PUNIMIT TË DIPLOMËS PËR STUDIME MASTER

Neni 9

Kompensimi i komisionit për vlerësim dhe mbrojtje të punimit të diplomës për studentet master bëhet si në vijim :

9.1. Kryetari i komisionit90 euro

9.2 Anëtarët e komisionit (2) × 80 euro

VIII. MËNYRA E REALIZIMIT, VERIFIKIMIT DHE MONITORIMIT TË PAGESAVE PËR ORËT MBI NORMË DHE PROVIZIONET TJERA

Neni 10

Çdo orë e paraqitur për pagesë duhet të arsyetohet me listat e studentëve të pranishëm , të verifikuara nga personi i autorizuar i fakultetit.

Raportet duhet të paraqitën deri më datë 5 të muajit të ardhshëm.

Raportet për orët e mbajtura më të vjetër se 1 muaj nuk paguhen.

IX. LARTËSIA E KOMPENSIMIT PËR STUDIUM TË DOKTORATURËS

Neni 11

Një mësimdhënës nuk mund të udhëheq më tepër se dy kandidatë për doktoratë brenda një viti akademik.

Kompensimi për studimet e doktoratës bëhet si në vijim:

11.1.

a) Kompensimi për orët e mbajtura për grupin e kurseve të përgjithshme
1 orë ligjërata = 25 €, por jo më shumë se 28 orë për semestër.

b) Kompensimi për orët e mbajtura për grupin e kurseve profesionale
1 orë ligjërata = 30 €, por jo më shumë se 12 orë për semestër

Neni 11.2

a) Komisioni për vlerësim të punimit

Mentori.....1000 €

Kryetari i komisionit.....300 €

Anëtari i komisionit.....250 €

b) Komisioni për mbrojtje publike

Anëtari i komisionit (3) nga200 €

Nenit 11.3.

Për kandidatët mësimdhënës të rregullt në Universitet të cilët mbrojnë punimin e doktoratës në Universitetin e Gjilanit dhe kanë anëtar të komisionit jashtë Kosovës, shpenzimet e udhëtimit dhe të qëndrimit i heqë Universiteti.

Neni 12

Kompensimi për komisionin recensues do të bëhet si në vijim:

- a) Kryetari i komisionit.....50 €
- b) Anëtarët e komisionit recensues.....2 x 30 €

X. DISPOZITAT KALIMTARE

Neni 13

Me hyrjen në fuqi të kësaj rregullore ditën e miratimit nga Këshilli Drejtues i Universitetit, çfuqizohet çdo rregullore apo udhëzim lidhur me pagesat të cilat rregullohen me këtë rregullore.

Neni 14

Kjo Rregullore hyn në fuqi ditën e miratimit nga ana e Këshillit të Përkohshëm Drejtues.



Kryetari i Këshillit Drejtues

Akadëmik Fejzullah Krasniqi